

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENAMA I DOPUNAMA ZAKONA O IZVRŠAVANJU BUDŽETA
FEDERACIJE BOSNE I HERCEGOVINE ZA 2014. GODINU**

Sarajevo, maj 2014. godine

PRIJEDLOG ZA DONOŠENJE PO HITNOM POSTUPKU

U skladu sa odredbama čl. 191, 192. i 204. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i čl. 186, 187. i 201. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), predlažemo da se Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2014. godinu, razmatra i donese po hitnom postupku.

Zbog činjenice da Izvršni odbor Međunarodnog monetarnog fonda nije razmatrao šesti pregled u okviru Stand-by aranžmana sa Bosnom i Hercegovinom, te imajući u vidu da neispunjavanje obaveza preuzetih iz dopunskog Pisma namjere upućenog Međunarodnom monetarnom fondu podrazumijeva spajanje VI i VII pregleda Tehničke misije Međunarodnog monetarnog fonda postoji veliki rizik da Bosni i Hercegovini neće biti doznačene planirane tranše (VII i VIII) u iznosu od oko 124 mil. KM, nastali su problemi po Budžet Federacije Bosne i Hercegovine za 2014. godinu.

Kako bi se Budžet Federacije Bosne i Hercegovine za 2014. godinu stabilizovao i kako bi se nastavila neometana isplata boračkih i socijalnih davanja iz Budžeta Federacije Bosne i Hercegovine, neophodno je čim prije donijeti

Također, s obzirom da je u Federaciji Bosne i Hercegovine proglašeno stanje prirodne nesreće zbog kišnih padavina koje su prouzrokovale izlivanje rijeka i bujičnih potoka iz korita i plavljenja velikog broja infrastrukturnih i stambenih objekata, kao i poljoprivrednog i drugog zemljišta, neophodno je planirati sredstva koja će se interventno doznačiti pogođenim područjima, kao i sredstva koja će se doznačavati na osnovu posebnih kriterija i propisa, te je i iz tog razloga potrebno po hitnoj proceduri donijeti Izmjene i dopune Zakona o izvršavanju Budžeta Federacije Bosne i Hercegovine za 2014. godinu.

**ZAKON
O IZMJENAMA I DOPUNAMA ZAKONA O IZVRŠAVANJU BUDŽETA
FEDERACIJE BOSNE I HERCEGOVINE ZA 2014. GODINU**

Član 1.

U Zakonu o izvršavanju Budžeta Federacije Bosne i Hercegovine za 2014. godinu („Službene novine Federacije BiH“ br. 99/13 i 31/14), u članu 11. stav 4. brojevi: „19/06, 76/08, 5/09, 32/09, 51/09, 9/10, 36/10, 45/10 i 25/12“, zamjenjuju se brojevima: „102/13, 9/14 i 13/14“.

Član 2.

Iza člana 23. dodaje se novi član 23a. koji glasi:

„Član 23a.

Sredstva utvrđena u razdjelu 12. Budžeta, pozicija „Pomoć područjima pogođenim elementarnim nepogodama“, koristit će se po odlukama koje donosi Vlada“.

Član 3.

U članu 25. riječi: „Garancijski fond za poticaj izvozno orjentisanih preduzeća“, zamjenjuju se riječima: „Trajni revolving fond“.

Član 4.

U članu 27. stav 1. riječi: „Tekući transferi drugim nivoima vlasti – Liječenje od tuberkuloze neosiguranih lica“ i riječi: „Tekući transferi neprofitnim organizacijama – Za prevenciju zloupotrebe opojnih droga“ brišu se.

Član 5.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

OBRAZLOŽENJE
ZAKONA O IZMJENAMA I DOPUNAMA ZAKONA O IZVRŠAVANJU BUDŽETA
FEDERACIJE BOSNE I HERCEGOVINE ZA 2014. GODINU

I. USTAVNI OSNOV

Ustavni osnov za donošenje ovog Zakona sadržan je u članu III. 1. tač.c) i g), koji je izmijenjen amandmanima VIII, LXXXIX i CVI i članu IV A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije kao i finansiranje djelatnosti federalnih vlasti, ustanova i institucija koje federalne vlasti osnivaju, a Parlament Federacije je, uz ostale nadležnosti predviđene Ustavom, odgovoran za donošenje zakona o obavljanju dužnosti federalne vlasti.

II. RAZLOZI ZA DONOŠENJE

Razlozi za donošenje Zakona očituju se u izradi Izmjena i dopuna Budžeta Federacije Bosne i Hercegovine za 2014. godinu.

III. OBRAZLOŽENJE PREDLOŽENIH IZMJENA

Članom 1. Zakona brišu se brojevi Službenih novina, broj: „19/06, 76/08, 5/09, 32/09, 51/09, 9/10, 36/10, 45/10 i 25/12“, a dodaju se novi brojevi Službenih novina „102/13,9/14 i 13/14“ u kojima je objavljen Zakon o budžetima u Federaciji Bosne i Hercegovine.

Članom 2. Zakona dodaje se novi član 23a. koji glasi „Sredstva utvrđena u razdjelu 12. Budžeta, pozicija „Pomoć područjima pogođenim elementarnim nepogodama“, koristit će se po odlukama koje donosi Vlada“.

Članom 3. Zakona riječi „Ostala domaća pozajmljivanja-Garancijski fond za poticaj izvozno orjentisanih preduzeća“, zamjenjuju se riječima „Ostala domaća pozajmljivanja-Trajni revolving fond“.

Članom 4. Zakona riječi: „Tekući transferi drugim nivoima vlasti – Liječenje od tuberkuloze neosiguranih lica“ i “Tekući transferi neprofitnim organizacijama – Za prevenciju zloupotrebe opojnih droga“ brišu se.

IV. FINANSIJSKA SREDSTVA

Za realizaciju Zakona nisu potrebna finansijska sredstva.

Zakon o izvršavanju Budžeta Federacije Bosne i Hercegovine za 2014. godinu

-Tekst odredbi koje se mijenjaju-

Član 11.

Hitni i nepredviđeni budžetski izdaci koji se pojave u toku budžetske godine podmiruju se iz sredstava tekuće rezerve utvrđene u Budžetu.

Raspodjelu sredstava odobrava Vlada, u skladu sa Odlukom o kriterijima raspodjele finansijskih sredstava iz "Tekuće rezerve" Budžeta Federacije BiH („Službene novine Federacije BiH”, broj: 9/08), na prijedlog Ministarstva finansija.

Budžetska izdvajanja za tekuću rezervu ne smiju preći 3% ukupnih prihoda, isključujući primitke.

Uštede koje se ostvare u toku fiskalne godine će se prenijeti u Tekuću rezervu Budžeta do nivoa utvrđenog Zakonom o budžetima u Federaciji Bosne i Hercegovine („Službene novine Federacije BiH“, br. 19/06, 76/08, 5/09, 32/09, 51/09, 9/10, 36/10, 45/10 i 25/12).

Premijer će raspolagati sredstvima iz Tekuće rezerve Budžeta do iznosa od 75.000 KM.

Zamjenici premijera će raspolagati sredstvima Tekuće rezerve Budžeta do iznosa od 40.000 KM.

Raspodjela sredstava iz stava 5. i 6. ovog člana odobrat će se za nepredviđene izdatke u skladu sa utvrđenim kriterijima.

Izveštaji o utrošku finansijskih sredstava iz Tekuće rezerve podnose se Vladi Federacije kvartalno u skladu sa Pravilnikom o finansijskom izvještavanju i godišnjem obračunu budžeta u Federaciji Bosne i Hercegovine („Službene novine Federacije BiH“, broj: 27/12), a Vlada polugodišnje izvještava Parlament o korištenju sredstava iz Tekuće rezerve.

Član 23.

Sredstva utvrđena u razdjelu 12. Budžeta, pozicija "Transfer za političke stranke i koalicije" rasporedit će na korisnike Vlada, po programu utroška utvrđenom u 2014. godini.

Sredstva namijenjena za finansiranje političkih subjekata Vlada će rasporediti tako da 40% od predviđenog iznosa pripada političkim subjektima, koji su zastupljeni u Parlamentu Federacije Bosne i Hercegovine, u jednakim iznosima, a 60% prema broju poslanika u domovima Parlamenta, na dan dodjele mandata.

Ukoliko je ugovorom između članica koalicije reguliran način raspodjele novčanih sredstava koja pripadaju koaliciji, sredstva koja na osnovu stava 2. ovog člana pripadaju koaliciji Vlada raspoređuje na osnovu odredbi ugovora.

Član 25.

Sredstva utvrđena u razdjelu 17. Budžeta, pozicije „Subvencije javnim preduzećima - konsolidacija rudnika uglja u Federaciji BiH“, Ostala domaća pozajmljivanja i Ostala domaća pozajmljivanja-Garancijski fond za poticaj izvozno orijentisanih preduzeća, Subvencije javnim preduzećima i Subvencije privatnim preduzećima i poduzetnicima koristit će se po programu koji donosi Vlada.

Član 27.

Sredstva utvrđena u razdjelu 20. Budžeta, pozicije "Tekući transferi drugom nivou vlasti–Liječenje od tuberkuloze neosiguranih lica", „Transfer za Zavod zdravstvenog osiguranja i reosiguranja FBiH-Za proces vakcinacije i sufinansiranje troškova raseljenih lica“, „Tekući transfer drugim nivoima vlasti - Zdravstvena zaštita Roma u FBiH“, „Tekući transferi drugim nivoima vlasti - Agencija za kvalitet i akreditaciju-AKAZ“, „Tekući transferi drugim nivoima vlasti - Zavod za transfuzijsku medicinu FBiH,“ „Tekući transferi drugim nivoima vlasti - Zavod za zdravstveno osiguranje i reosiguranje FBiH“, „Tekući transferi neprofitnim organizacijama - Za prevenciju zloupotrebe opojnih droga", koristit će se po programima koje donosi Vlada.

Federalno ministarstvo zdravstva će izvještavati Vladu o realizaciji programa liječenja, učestalosti oboljenja i drugim važnim pokazateljima u vezi s implementacijom programa Fonda solidarnosti Federacije Bosne i Hercegovine, utvrđenih Odlukom o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koje će se pružati osiguranim osobama na teritoriji Federacije Bosne i Hercegovine („Službene novine Federacije BiH“, br. 08/05, 11/07, 44/07, 97a/07, 33/08 i 52/08) kao i realizaciji sredstava Fonda solidarnosti Federacije Bosne i Hercegovine, na način i u rokovima predviđenim Zakonom o zdravstvenom osiguranju („Službene novine Federacije BiH“, br. 30/97, 07/02, 70/08 i 48/11).